

Headline	RTC Betong jadi pusat pengumpulan produk		
MediaTitle	Utusan Sarawak		
Date	03 May 2017	Color	Black/white
Section	TEMPATAN	Circulation	37,981
Page No	12	Readership	113,943
Language	Malay	ArticleSize	321 cm ²
Journalist	N/A	AdValue	RM 1,051
Frequency	Daily (EM)	PR Value	RM 3,152



TINJAU-TINJAU ... Uggah ketika dibawa melawat salah sebuah gerai jualan buah-buahan yang terdapat di situ pada Majlis Penangguhan Karnival Berbasikal Layar 2017 yang berlangsung dekat sini, Isnin lalu. Foto. OSMAN RAZALI

RTC Betong jadi pusat pengumpulan produk

BETONG: Kawasan sekitar Pusat Transformasi Luar Bandar (RTC) Betong di Layar berpotensi menjadi sebahagian daripada pusat pengumpulan produk luar bandar.

Timbalan Ketua Menteri Datuk Amar Douglas Uggah Embas berkata, kerajaan sentiasa mencari jalan usaha memastikan hasil luar bandar khususnya pertanian dapat dijual seterusnya meningkatkan pendapatan petani.

"Oleh yang demikian, kita mengharapkan Lembaga Pemasaran Pertanian Persekutuan (FAMA) dapat mempertimbangkan kawasan ini (RTC Betong) untuk dijadikan sebahagian daripada pusat pengumpulan produk luar bandar," katanya.

Beliau yang juga Menteri Pemodenan Pertanian dan Ekonomi Luar Bandar bercakap demikian ketika merasmikan Majlis Penangguhan Karnival Berbasikal Layar 2017 yang ber-

langsung dekat sini, Isnin lalu.

Usaha untuk mewujudkan pusat pengumpulan di sini jelas Uggah agar semua hasil tani, sungai, kraf tangan dan sebagainya dapat dijual dengan lebih mudah.

"Kita ingin menjadi contoh salah satu kawasan pusat pengumpulan di negeri ini yang dapat membantu meningkatkan pendapatan masyarakat di luar bandar.

"Apabila adanya pusat itu

nanti, maka kita mensasarkan untuk mereka di kawasan ini khususnya akan dapat menikmati pendapatan tidak kurang daripada RM4,000 setiap bulan," ujarnya.

Beliau dalam masa yang sama mengharapkan penglibatan aktif para petani dan bukannya sekadar menjadi pemerhati sahaja.

Hadir sama Ahli Dewan Undangan Negeri (ADUN) Layar Gerald Rentap Jabu.